



Služba civilne zaštite i zajedničkih poslova

Broj: 08-04-2636/25
Lukavac, 03.10.2025.godine

Na osnovu člana 68. stav (4) tačka i), člana 69. stav (2) tačka d) i člana 70. stav (4) Zakona o javnim nabavkama („Sl. glasnik BiH“, broj: 39/14, 59/22 i 50/24), Preporuke Komisije za provođenje postupka javne nabavke broj: 08-04-2636/25 od 01.10.2025.godine u otvorenom postupku javne nabavke pluga za čišćenje snijega za potrebe Službe za čistoću, Pomoćnik gradonačelnika za Službu civilne zaštite i zajedničkih poslova d o n o s i

ODLUKU
o poništenju postupka javne nabavke

Član 1.

Poništava se postupak javne nabavke pluga za čišćenje snijega za potrebe Službe za čistoću, shodno članu 68. stav (4) tačka i), člana 69. stav (2) tačka d) Zakona o javnim nabavkama („Sl. glasnik BiH“, broj: 39/14, 59/22 i 50/24,), iz razloga što nijedna primljena ponuda nije prihvatljiva.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Službe civilne zaštite i zajedničkih poslova Grada Lukavac je Odlukom o pokretanju postupka javne nabavke broj: 08-02-2442/25 od 25.08.2025.godine pokrenula konkurentni postupak javne nabavke pluga za čišćenje snijega za potrebe Službe za čistoću. Procjenjena vrijednost javne nabavke bez PDV-a iznosila je 16.500,00 KM.

Obavještenje o nabavci broj: 719-7-1-94-3-134/25 objavljeno je na Portalu javnih nabavki dana 11.09.2025.godine.

Komisija za provođenje postupka nabavke imenovana Rješenjem broj: 02-04-2664/25 od 12.09.2025.godine, otvorila je ponude i utvrdila sljedeće:

- da su u predmetnom postupku primljene dvije ponude;
- da nije bilo neblagovremeno primljenih ponuda;



- da ponude ponuđača „NV - INVEST“ doo Sarajevo i „SV COMPANY“ d.o.o Laktaši neprihvatljive, obzirom da nisu dostavljeni svi dokazi traženi tenderskom dokumentacijom.

Komisija za provođenje postupka javne nabavke je utvrdila da je ponuđač „NV INVEST“ d.o.o Sarajevo na strani 23. i 24. Ponude dostavio običnu kopiju tehničkog lista, čime nije ispunio zahtjeve iz tačke 13.3.3. Tenderske dokumentacije, obzirom da je navedenom tačkom propisano da traženi dokazi moraju biti dostavljeni u originalu ili ovjerenoj kopiji.

Obzirom da ponuđač tražene dokaze nije dostavio u obliku i formi kako je to traženo tenderskom dokumentacijom, Komisija je primjenom člana 68.stav 4. tačka i) Zakona o javnim nabavkama i tačkom 13.3.3 tenderske dokumentacije, ponudu odbacila.

Komisija za provođenje postupka javne nabavke je utvrdila da je ponuđač „SV COMPANY“ d.o.o Laktaši na strani 24-29. Ponude dostavio Uputstvo za korištenje i održavanje proizvođača „3A ENGINEERING“ d.o.o. u boji, u printanoj formi, čime nije ispunio zahtjeve iz tačke 13.3.3. Tenderske dokumentacije, obzirom da je navedenom tačkom propisano da traženi dokazi moraju biti dostavljeni u originalu ili ovjerenoj kopiji.

Obzirom da ponuđač tražene dokaze nije dostavio u obliku i formi kako je to traženo tenderskom dokumentacijom, Komisija je primjenom člana 68.stav 4. tačka i) Zakona o javnim nabavkama i tačkom 13.3.3 tenderske dokumentacije, ponudu odbacila.

Komisija je, shodno članu 68. stav (4) tačka i) ZJN i članu 69. stav 2.tačka d), dala preporuku Pomoćniku gradonačelnika za Službu civilne zaštite i zajedničkih poslova da se postupak nabavke pluga za čišćenje snijega za potrebe Službe za čistoću, poništi.

Uzimajući u obzir naprijed navedeno, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola Odluke na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac – Služba civilne zaštite i zajedničkih poslova, Trg Slobode broj 1, 75300 Lukavac, a izjavljuje se Uredu za razmatranje žalbi, Filijala Mostar. Žalba se podnosi u najmanje 3 (tri) primjerka.

Dostaviti:

1. „NV INVEST“ d.o.o Sarajevo
2. „SV COMPANY“ d.o.o Laktaši i
3. Arhivi.



POMOĆNIK GRADONAČELNIKA
Edin Hamzić, dipl.ing.